

Sier Hironimo Trivixan, fo Piovego, qu.	
sier Andrea	53.122
Sier Jacomo Sagredo, fo Cao di XL, qu.	
sier Girardo dopio	75.104
Sier Piero Querini, fo Piovego, qu. sier	
Biaxio	69.111
Sier Lunardo Zantani qu. sier Hiro-	
nimo	50.113
Sier Zacaria Bembo, fo provedador a	
Bassan, qu. sier Francesco dopio	63.116

In questa sera partite de qui el reverendissimo cardinal Cibo, stato in cha' Corner, per andar a veder Padoa, et de li anderà a Mantoa et poi verso Fiorenza et Roma.

Et la matina sequeute partino li reverendissimi cardinali Corner et Pixani per Chioza, dove monterano a cavalo et anderano a Roma, et fono acompagnati da' soi parenti fino a Chioza, et a di ultimo di questo montono a cavalo et andono al suo viazo. È andato col cardinal Pixani sier Marco Antonio Michiel di sier Vetur, qual è docto in greco et latin.

40 * *A di 28.* La matina, in Colegio, essendo li Cai di X, veneno sier Francesco Contarini qu. sier Zacaria el cavalier, sier Piero Trivixan qu. sier Domenego cavalier procurator, e altri come amici dil qu. Alberto Tealdini, secretario fidelissimo, qual è morto *ab intestato*, lassato uno fiol et do putine natural, et feno lezer a Zuan Baptista di Adriani una suplication, rechiedendo li ducati 100 havia il padre suo da l'oficio di l'Avogaria da Filipo Zamberti e Alvixe Balbi, fino li fosse provisto di qualche oficio, aziò potesseno viver; et tutto il Colegio si mosse a compassione, et fo comessa a li Cai di X la dovesse expedir ozi in Consejo di X. *Tamen* ditti scrivani fono a l'incontro et impugnò non fusse posta se prima non fosseno alditi; et cussi non fu messa.

Vene sier Zuan Antonio Dandolo, è provedador sora i presoni, dicendo uno nontio todesco, va da l'Imperador, voria la resolution si la Signoria vol lassar il capitano Rizan juxta la forma di capitoli di la trieva, qual era in li Cabioni. E consultato in Colegio, fo terminato lassarlo fuori con sacramento non si parti di questa terra; e cussi zuroe in man dil ditto sier Zuan Antonio Dandolo, et fo lassato de li Cabioni.

Di Andrea di Franceschi secretario nostro, di . . . Come era partito da la Piera, et venuto li a Verona con la quietation auta dal nuncio cesareo di ducati 20 milia, et havia la letera di cambio acetà di ducati 6000 a pagar a . . . *Item*, scrive alcune le-

tere drizate a li Cai di X, qual fo lete con li Cai di X; *nescio quid*.

Da poi disnar, fo Consejo di X con Zonta, et intrò nel Consejo di X sier Domenego Contarini in loco di sier Hironimo Contarini, è amalato; sichè sono tre nuovi intradi: Sier Francesco Falier, sier Marin Zorzi dottor, qual è Cao, e sier Domenego Contarini.

Fu presa la gratia di Almorò Dolfin, al qual fo tolto, per l'Imperador, una caxa l'havia a Roverè, val ducati . . . e posto per rebello; se li dà 4 canzelarie, do a Udene, et do a Brexa col podestà, *ut in parte*.

Fo posto dar a Stefano Barbarigo, bolador, la cavalaria di Campo San Piero, et non fu presa.

Fu preso dar uno oficio a Mestre, *videlicet . . .* a Christofaeto di Zorzi, padre di . . . , era a la Canzelaria, si anegò in l'Adexe, era secretario con sier Andrea Griti provedador in campo.

Fo acetà nel Consejo di X col Consejo semplice per atender a li Savii in loco di Alberto Tealdini, a chi Dio perdoni, Zuan Batista di Vielmi secretario di Colegio.

Fu poi proposto certa dechiaration da esser fata a li tre vanno a meter li confini per li frati di Corizuola, et fo gran disputazion et niente concluso; e questo Consejo di X spiroe.

Fu preso far, per dito Consejo di X, uno scrivan a li Avogadori extraordinarii, che non hanno chi fazi le raxon dil dito oficio.

A di 29, fo San Michiel. Havendo la Signoria 41 terminato far questa matina Gran Consejo, ch'è alcuni anni non si suol far, *licet antiquitus* si feva, per tuor licentia dil far la Zonta; ma poi per sier Antonio Trun consier fu posto e preso non si ponesse più parte ogni anno di far li 60 di la Zonta, ma sono et sia oficio ordinario, e far si debi ogni anno.

Fu leto, per Hironimo Alberti secretario di Censori, come da parte di Censori si fa a saper a tutti, che quelli tornerà in li banchi poi stati a capelo, cazerano a la leze di star 6 mexi in preson, pagar ducati . . . et esser privi per do anni dil Mazor Consejo. Et è da saper, l'ultimo Consejo sier Hironimo da Canal qu. sier Piero, sier Daniel Trivixan, qu. sier Andrea et sier Francesco da Canal qu. sier Zuane, quali tornono nel banco proprio, fono chiamati la matina da li Censori e fati cazer a la leze; poi li asolseno che non pagasse, nè fosse in altro compresi a la leze.

Fu fato Patron a l'Arsenal, in luogo di sier Polo